



Comhairle an
Aontais Eorpaigh

An Bhruiséil, 28 Bealtaine 2024
(OR. en)

10171/24

**Comhad Idirinstiúideach:
2024/0118(NLE)**

JAI 847
COPEN 265
EPPO 8
FIN 462
GAF 15

TOGRA

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	27 Bealtaine 2024
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2024) 215 final
Ábhar:	Togra le haghaidh CINNEADH ÓN gCOMHAIRLE lena leasaítear Cinneadh (AE) 2023/133 lena gceaptar comhaltaí an phainéil roghnúcháin dá bhforáiltear in Airteagal 14(3) de Rialachán (AE) 2017/1939

Gheobhaidh na toscaireachtaí i gceangal leis seo doiciméad COM(2024) 215 final.

Faoi iamh: COM(2024) 215 final



AN COIMISIÚN
EORPACH

An Bhruiséil, 27.5.2024
COM(2024) 215 final

2024/0118 (NLE)

Togra le haghaidh

CINNEADH ÓN gCOMHAIRLE

lena leasaítear Cinneadh (AE) 2023/133 lena gceaptar comhaltaí an phainéil roghnúcháin dá bhforáiltear in Airteagal 14(3) de Rialachán (AE) 2017/1939

MEABHRÁN MÍNIÚCHÁIN

1. COMHTHÉACS AN TOGRA

• Forais agus cuspoirí an togra

An 12 Deireadh Fómhair 2017, glacadh Rialachán (AE) 2017/1939 ón gComhairle lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh ('OIPE') agus tháinig sé i bhfeidhm an 20 Samhain 2017¹. An 1 Meitheamh 2021, ghlac OIPE na cúraimí imscrúdúcháin agus ionchúisimh a tugadh dó leis an Rialachán sin. Cionta coiriúla a dhéanann difear do leasanna airgeadais an Aontais, dá bhforáiltear i dTreoir (AE) 2017/1371², mar a cuireadh chun feidhme sa dlí náisiúnta, agus arna gcinneadh faoi Rialachán (AE) 2017/1939, tá OIPE freagrach as déantóirí na gcionta coiriúla sin agus as a gcomhchoirithe a imscrúdú, a ionchúiseamh agus a thabhairt chun breithiúnais.

I gcomhréir le hAirteagal 8 de Rialachán (AE) 2017/1939, tá OIPE eagraithe ar leibhéal lárnach agus ar leibhéal díláraithe. An Príomh-Ionchúisitheoir Eorpach agus na hIonchúisitheoirí Eorpacha – duine in aghaidh an Bhallstáit atá rannpháirteach sa chomhar feabhsaithe maidir le OIPE a bhunú – is cuid de leibhéal lárnach OIPE iad agus is iad Coláiste OIPE iad. I mí Dheireadh Fómhair 2019 cheap Parlaimint na hEorpa agus an Chomhairle de chomhthoil an chéad Phríomh-Ionchúisitheoir Eorpach³. I mí Iúil 2020 cheap an Chomhairle na chéad 22 Ionchúisitheoir Eorpacha in OIPE.

Maireann sainordú an Phríomh-Ionchúisitheora Eorpaigh 7 mbliana agus ní féidir é a athnuachan (Airteagal 14(1) de Rialachán (AE) 2017/1939). Maireann sainordú na nIonchúisitheoirí Eorpacha 6 bliana agus féadfaidh an Chomhairle cinneadh a dhéanamh síneadh 3 bliana ar a mhéad a chur leis (Airteagal 16(3) de Rialachán (AE) 2017/1939). Foráiltear le hAirteagal 16(4) de Rialachán (AE) 2017/1939 gur cheart aon trian de na hIonchúisitheoirí Eorpacha a athrú gach 3 bliana agus ceanglaítear ar an gComhairle rialacha idirthréimhseacha a ghlacadh maidir le ceapachán na nIonchúisitheoirí Eorpacha don chéad tréimhse den sainordú agus le linn na tréimhse sin. Ar an mbonn sin, ghlac an Chomhairle Cinneadh Cur Chun Feidhme (AE) 2019/598 ón gComhairle an 9 Aibreán 2019, lena bhforáiltear maidir le sainordú na nIonchúisitheoirí Eorpacha ó ocht mBallstát, arna chinneadh trí chrannchur, go mairfidh an sainordú sin 3 bliana agus nach mbeidh sé in-athnuaithe. Dá bhrí sin, chuaigh sainordú na nIonchúisitheoirí Eorpacha sin in éag i mí Iúil 2023.

Le hAirteagal 14(3) de Rialachán (AE) 2017/1939, foráiltear gur cheart roghnú an Phríomh-Ionchúisitheora Eorpaigh a bheith bunaithe ar ghlaos oscailte ar iarrthóirí, glao atá le foilsiú in *Iris Oifigiúil an Aontais Eorpaigh*, agus ina dhiaidh sin gur cheart do phainéal roghnúcháin gearrliosta a thiomsú d'iarrthóirí cáilithe atá le cur faoi bhráid Parlaimint na hEorpa agus na Comhairle. Le hAirteagal 16(2) de Rialachán (AE) 2017/1939 foráiltear gur cheart don Chomhairle duine de na hiarrthóirí arna n-ainmniú ag na Ballstáit le haghaidh

¹ Rialachán (AE) 2017/1939 ón gComhairle an 12 Deireadh Fómhair 2017 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh ('OIPE') IO L 283, 31.10.2017, lgh. 1–71.

² Treoir (AE) 2017/1371 ó Pharlaimint na hEorpa agus ón gComhairle an 5 Iúil 2017 maidir leis an gcomhrac in aghaidh na calaoise ar leasanna airgeadais an Aontais trí bhithin an dlí choiriúil, IO L 198, 28.7.2017, lgh. 29–41.

³ Cinneadh (AE) 2019/1798 ó Pharlaimint na hEorpa agus ón gComhairle an 23 Deireadh Fómhair 2019 lena gceaptar Príomh-Ionchúisitheoir Eorpach Oifig an Ionchúisitheora Phoiblí Eorpaigh, IO L 274, 28.10.2019, lgh. 1–2.

phost na nIonchúisitheoirí Eorpacha a roghnú agus a cheapadh tar éis di an tuairim réasúnaithe a fháil ón bpainéal roghnúcháin dá dtagraítear in Airteagal 14(3) den Rialachán céanna.

I gcomhréir leis an bhforáil dheireanach sin, ba cheart dháréag a bheith ar an bpainéal roghnúcháin, daoine a cheapfaidh an Comhairle ar bhonn togra ón gCoimisiún, agus a roghnófar as measc iarchomhaltaí na Cúirte Breithiúnais agus na Cúirte Iniúchóirí, iarchomhaltaí náisiúnta Eurojust, comhaltaí na gcúirteanna uachtaracha náisiúnta, ionchúisitheoirí ardleibhéil agus dlíodóirí a bhfuil inniúlacht aitheanta acu. Duine de na daoine a roghnófar, ba cheart é a bheith molta ag Parlaimint na hEorpa.

I mí Dheireadh Fómhair 2018⁴ cheap an Chomhairle dháréag comhaltaí an chéad phainéil roghnúcháin, ar bhonn togra ón gCoimisiún, agus i mí Eanáir 2023 ceapadh dháréag comhaltaí an phainéil roghnúcháin reatha ar feadh tréimhse 4 bliana ón 20 Eanáir 2023⁵. Ba é Marin MRČELA, Breitheamh i gCúirt Bhreithiúnais Phoblacht na Cróite duine de chomhaltaí an phainéil roghnúcháin a ceapadh i mí Eanáir 2023. An 8 Aibreán 2024, chuir an tUasal MRČELA in iúl don Choimisiún Eorpaigh nach féidir leis a bheith ina chomhalta den phainéal roghnúcháin a thuilleadh agus go raibh cinneadh déanta aige, dá bhrí sin, éirí as. Cuireadh an Chomhairle ar an eolas dá réir sin.

Chun leanúnachas an phainéil roghnúcháin a áirithiú, ba cheart duine eile a chur in ionad an tUasal MRČELA. I gcomhréir le rialacha oibríochtúla an phainéil roghnúcháin⁶, ba cheart an duine a chuirfear in ionad an Uasail MRČELA a cheapadh ar feadh a mbeidh fágtha dá théarma (i.e. go dtí an 20 Eanáir 2027). Dá bhrí sin, leis an togra seo, molann an Coimisiún go gceapfaidh an Chomhairle Dražen JELENIĆ, Leas-Ard-Aighne Stáit Phoblacht na Cróite, mar chomhalta den phainéal roghnúcháin in ionad an Uasail MRČELA. Comhlíonann Dražen JELENIĆ na ceanglais a leagtar amach in Airteagal 14(3) de Rialachán (AE) 2017/1939. Agus a cheapachán á mholadh, chuir an Coimisiún san áireamh an gá atá le cothromaíocht a áirithiú maidir le dáileadh geografach, inscne agus eolas ar chórais dlí na mBallstát atá rannpháirteach in OIPE.

- **Comhsheasmhacht le forálacha beartais atá sa réimse beartais cheana**

Is trí bhíthin Rialachán (AE) 2017/1939 a bunaíodh OIPE, rialachán arna ghlacadh ar bhonn Airteagal 86 CFAE. Tá OIPE ag feidhmiú na bhfeidhmeanna a shanntar dó le Rialachán (AE) 2017/1939 ón 1 Meitheamh 2021 i leith. Tríd an togra seo a chur isteach le haghaidh Cinneadh ón gComhairle lena gcuirtear duine eile in ionad duine de chomhaltaí reatha an phainéil roghnúcháin, tá an Coimisiún ag comhlíonadh a oibleagáide faoi Airteagal 14(3) de Rialachán (AE) 2017/1939. Leis an togra seo ceadaítear comhalta amháin den phainéal roghnúcháin reatha a ionadú, comhalta a bhfuil a shainordú le dul in éag an 20 Eanáir 2027. Tá feidhmiú iomlán an phainéil roghnúcháin tábhachtach chun gur féidir na nósanna imeachta a chur i gcrích ar bhealach ordúil chun an

⁴ Cinneadh (AE) 2018/1275 ón gComhairle an 18 Meán Fómhair 2018 lena gceaptar comhaltaí an phainéil roghnúcháin dá bhforáiltear in Airteagal 14(3) de Rialachán (AE) 2017/1939, IO L 238, 21.9.2018, lgh. 92–93.

⁵ Cinneadh (AE) 2023/133 ón gComhairle an 17 Eanáir 2023 lena gceaptar comhaltaí an phainéil roghnúcháin dá bhforáiltear in Airteagal 14(3) de Rialachán (AE) 2017/1939, IO L 17, 19.1.2023, lgh. 90–91.

⁶ Cinneadh Cur Chun Feidhme (AE) 2018/1696 ón gComhairle an 13 Iúil 2018 maidir le rialacha oibríocháin an phainéil roghnúcháin dá bhforáiltear in Airteagal 14(3) de Rialachán (AE) 2017/1939 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh ('OIPE'), IO L 282, 12.11.2018, lgh. 8–12.

hIonchúisitheoir Eorpach ón bPolainn⁷ a roghnú agus a cheapadh, chomh maith leis na hIonchúisitheoirí Eorpacha ar gá daoine eile a chur ina n-ionad in 2026 agus an Príomh-Ionchúisitheoir Eorpach nua, ar gá é a cheapadh in 2026 freisin.

- **Comhsheasmhacht le beartais eile de chuid an Aontais**

Tá an togra seo comhsheasmhach le beartais eile de chuid an Aontais, arb é is aidhm dóibh cosaint leasanna airgeadais an Aontais a neartú.

2. **BUNÚS DLÍ, COIMHDEACTH AGUS COMHRÉIREACTH**

- **Bunús dlí**

Is ar Airteagal 14(3) de Rialachán (AE) 2017/1939 atá an togra bunaithe.

- **Coimhdeacht (i gcás inniúlacht neamheisiach)**

I dtaca le ceapachán chomhaltaí an phainéil roghnúcháin dá bhforáiltear in Airteagal 14(3) de Rialachán (AE) 2017/1939, is í an Chomhairle amháin atá in ann cinneadh a dhéanamh faoin gceapachán sin, ar bhonn togra ón gCoimisiún agus dá bhrí sin, is inniúlacht eisiach í nach bhfuil faoi réir phrionsabal na coimhdeachta.

- **Comhréireacht**

Tá an togra seo teoranta don mhéid is gá chun na cuspóirí atá beartaithe a bhaint amach, agus dá bhrí sin tá sé i gcomhréir le prionsabal na comhréireachta. Tá an togra seo ríthábhachtach chun a áirithiú gur féidir na hIonchúisitheoirí Eorpacha agus an Príomh-Ionchúisitheoir Eorpach a ionadú nuair a thiocfaidh deireadh le tréimhse a sainordaithe, agus chun a áirithiú go gceapfar na hIonchúisitheoirí Eorpacha ó na Ballstáit a thosaigh ag glacadh páirte sa chomhar feabhsaithe maidir le OIPE le déanaí, nó a thosóidh go luath, rudaí a áiritheoidh imlonnú iomlán agus leanúnachas i ngníomhaíochtaí oibríochtúla OIPE.

- **An rogha ionstraime**

Foráiltear le hAirteagal 14(3) de Rialachán (AE) 2017/1939 go nglacfaidh an Chomhairle cinneadh lena gceaptar comhaltaí an phainéil roghnúcháin ar bhonn togra ón gCoimisiún. Foráiltear a thuilleadh le Riail II de rialacha oibríochtúla an phainéil roghnúcháin gur cheart duine atá le teacht in ionad comhalta den phainéil roghnúcháin a cheapadh ar feadh a mbeidh fágtha de théarma a réamhtheachtaí agus an nós imeachta céanna á leanúint. Dá bhrí sin, is í an reachtaíocht atá ann cheana ar an ábhar seo a fhorchuirfidh rogha na hionstraime atá beartaithe.

⁷ Thosaigh an Pholainn ag glacadh páirte sa chomhar feabhsaithe maidir le bunú OIPE i mí Feabhra 2024 (Cinneadh (AE) 2024/807 ón gCoimisiún an 29 Feabhra 2024 lena ndeimhnítear rannpháirtíocht na Polainne sa chomhar feabhsaithe maidir le bunú Oifig an Ionchúisitheora Phoiblí Eorpaigh, IO L, 2024/807, 29.2.2024). Dá bhrí sin, ba cheart an Ionchúisitheoir Eorpach ón bPolainn a cheapadh. Thairis sin, is dócha go dtabharfaidh an tSualainn fógra don Choimisiún go bhfuil sé beartaithe aici páirt a ghlacadh sa chomhar feabhsaithe go luath.

3. TORTHAÍ AR MHEASTÓIREACHTAÍ EX POST, AR CHOMHAIRLIÚCHÁIN LEIS NA PÁIRTITHE LEASMHARA AGUS AR MHEASÚNUITHE TIONCHAIR

- **Meastóireachtaí ex post/seiceálacha oiriúnachta ar an reachtaíocht atá ann cheana**

I bhfianaise chineál teicniúil an togra seo agus in éagmais rogha an Choimisiúin, rud atá ag comhlíonadh na hoibleagáide a leagtar amach in Airteagal 14(3) de Rialachán (AE) 2017/1939, ní dhearnadh meastóireachtaí *ex-post*, comhairliúcháin leis na páirtithe leasmhara ná measúnuithe tionchair.

4. IMPLEACHTAÍ BUISÉADACHA

Níl aon impleacht bhuiséadach ag an togra seo.

5. EILIMINTÍ EILE

- **Pleananna cur chun feidhme, agus socruithe faireacháin, meastóireachta agus tuairiscithe**

I bhfianaise chineál an bhirt seo, níl aon ghá le pleananna cur chun feidhme agus faireachán ná le socruithe meastóireachta agus tuairiscithe.

- **Míniúchán mionsonraithe ar fhorálacha sonracha an togra**

Le hAirteagal 1, foráiltear go dtiocfaidh Dražen JELENIĆ in ionad Marin MRČELA mar chomhalta den phainéal roghnúcháin dá bhforáiltear in Airteagal 14(3) de Rialachán (AE) 2017/1939.

Le hAirteagal 2, déantar foráil maidir le teacht i bhfeidhm an Chinnidh seo.

Togra le haghaidh

CINNEADH ÓN gCOMHAIRLE

lena leasaítear Cinneadh (AE) 2023/133 lena gceaptar comhaltaí an phainéil roghnúcháin dá bhforáiltear in Airteagal 14(3) de Rialachán (AE) 2017/1939

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2017/1939 ón gComhairle an 12 Deireadh Fómhair 2017 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh ('OIFE')¹, agus go háirithe Airteagal 14(3) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Is iad Parlaimint na hEorpa agus an Chomhairle a cheapfaidh an Príomh-Ionchúisitheoir Eorpach de chomhthoil as measc gearrliosta d'iarrthóirí cáilithe arna chur le chéile ag an bpainéal roghnúcháin dá bhforáiltear in Airteagal 14(3) de Rialachán (AE) 2017/1939. Is í an Chomhairle a cheapfaidh na hIonchúisitheoirí Eorpacha as measc triúr iarrthóirí cáilithe arna n-ainmniú ag gach Ballstát tar éis di tuairim réasúnaithe a fháil ón bpainéal roghnúcháin sin.
- (2) Ceapadh comhaltaí reatha an phainéil roghnúcháin ar feadh tréimhse 4 bliana ón 20 Eanáir 2023, trí bhíthin Chinneadh (AE) 2023/133 ón gComhairle².
- (3) Is comhalta den phainéal roghnúcháin é Marin MRČELA faoi láthair. An 8 Aibreán 2024, chuir an tUasal MRČELA in iúl don Choimisiún nach féidir leis a bheith ina chomhalta den phainéal roghnúcháin a thuilleadh agus go raibh cinneadh déanta aige, dá bhrí sin, éirí as. Cuireadh an Chomhairle ar an eolas dá réir sin.
- (4) Ba cheart comhalta nua den phainéal roghnúcháin a cheapadh a luaithe is féidir chun teacht in ionad an Uasail MRČELA, chun leanúnachas ghníomhaíochtaí an phainéil roghnúcháin a áirithiú. Dá bhrí sin, ba cheart Dražen JELENIĆ, Leas-Ard-Aighne Stáit Phoblacht na Cróite, a cheapadh mar chomhalta nua den phainéal roghnúcháin. Agus an duine sin á mholadh, chuir an Coimisiún san áireamh an gá atá le cothromaíocht gheografach, cothromaíocht inscne agus ionadaíocht chuí ar chórais dlí na mBallstát atá rannpháirteach sa chomhar feabhsaithe maidir le OIFE a bhunú.
- (5) I gcomhréir le Riail II de rialacha oibríochtúla an phainéil roghnúcháin a leagtar amach san Iarscríbhinn a ghabhann le Cinneadh Cur Chun Feidhme (AE) 2018/1696

¹ IO L 283, 31.10.2017, lch. 1, ELI: <http://data.europa.eu/eli/reg/2017/1939/oj>.

² Cinneadh (AE) 2023/133 ón gComhairle an 17 Eanáir 2023 lena gceaptar comhaltaí an phainéil roghnúcháin dá bhforáiltear in Airteagal 14(3) de Rialachán (AE) 2017/1939 (IO L 17, 19.1.2023, lgh. 90, ELI: <http://data.europa.eu/eli/dec/2023/133/oj>).

ón gComhairle³, ba cheart an tUasal JELENÍĆ a cheapadh ar feadh a mbeidh fágtha de théarma a réamhtheachtaí.

- (6) Dá bhrí sin, ba cheart Cinneadh (AE) 2023/133 a leasú dá réir sin.
- (7) Chun a áirithiú gur féidir leis an Uasal JELENÍĆ dul i mbun a chuid feidhmeanna agus páirt a ghlacadh i ngníomhaíocht leanúnacha an phainéil roghnúcháin láithreach, ba cheart an Cinneadh seo a theacht i bhfeidhm ar an lá tar éis lá a fhoilsithe in *Iris Oifigiúil an Aontais Eorpaigh*,

TAR ÉIS AN CINNEADH SEO A GHLACADH:

Airteagal 1

In Airteagal 1 de Chinneadh (AE) 2023/133, cuirtear ainm ‘Dražen JELENÍĆ’ in ionad ainm ‘Marin MRČELA’.

Airteagal 2

Tiocfaidh an Cinneadh seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Arna dhéanamh sa Bhruiséil,

*Thar ceann na Comhairle
An tUachtarán*

³ Cinneadh Cur Chun Feidhme (AE) 2018/1696 ón gComhairle an 13 Iúil 2018 maidir le rialacha oibriúcháin an phainéil roghnúcháin dá bhforáiltear in Airteagal 14(3) de Rialachán (AE) 2017/1939 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh (‘OIPE’) (IO L 282, 12.11.2018, lch. 8, ELI: http://data.europa.eu/eli/dec_impl/2018/1696/oj).